



ksi. komp.  
21887

III

Mag. St. Dr.

P

de Warzyce.

*Niesporowia Ambrosii Trigonum illustres-  
simae Domus Warzicis*

PANEG. et VITAE

Polon. Fol.

Nr. 755.



II

I

M

D

PAD

WISN

D.

I

E

C

n Illu

A

\*\*\*\*\*



# TRIGONUM

ILLUSTRISSIMÆ DOMUS WARSZICIÆ

*Sub cœlum assurgens fastigijs*

VIRTUTIS, HONORIS, DECORIS,

*In ILLUSTRISSIMA HEROINA*

## D. BARBARA

*de Warszyce*

## MECINSKA

*Wielunensi & Radomscensi*

CAPITANEA,

ILLUSTRISSIMI, & EXCELLENTISSIMI DOMINI,

## D. MICHAELIS

*in Warszyce*

## WARSZYCKI

PALATINI SENDOMIRIENSIS, CAPITANEI PETRICOVIENSIS;

FILIA,

ILLUSTRISSIMORUM DUCUM

WISNIOWIECIORUM, KORYBUTHORUM & ZBARAVIENSIIUM NEPTE,

ILLUSTRISSIMI & EXCELLENTISSIMI DOMINI

## D. CASIMIRI IOSEPHI

*De Korozweki*

## MECINSKI

*Wielunensis, & Radomscensis* CAPITANEI,

E Palatinatu Cracoviensi ad Generalia Regni Comitia Warsaviensia

## N V N T I I.

*Lectissima & Dilectissima*

CONSORTE,

*Cum eius corporis exuvie in Clari Montis Basilica Fratrum Ordinis*

*Sancti PAULI Primi Eremitæ*

*Illustrissimorum Hospitum parentalibus honoribus assistentium frequentia*

*Ultimo obsequio deponerentur,*

*Luci publicæ exhibitum*

*Per Fratrem AMBROSIIUM NIESZPORKOWITZ, Ordinis Sancti*

*PAULI Primi Eremitæ Profess:*

*Anno Domini MDCXCIV. die IV. Ianuarij.*

34.

\*\*\*\*\*  
Typis Clari Montis Czesztochoviensis.



IN STEMMA ILLUSTRISSIMÆ DOMU  
WARZYCIÆ.



Oedipe dic mihi: Quid WARZYCIA Tesseræ pandit? /  
Tesseræ quid pandat, volue, revolve, scies.  
V. duplex summo cur iunctum vertice surgit?  
VIRTUTEM VERAM nobile Stemma notat.  
M. refere; Magnum, si fursan pono supinum;  
Magnos in Patria monstrat ubique Viros.  
Chiliademque, Decemque refert in forma Latinis;  
Magnos ad Decies Millia Mille docet.  
Erigo transversum; Græcum mihi Sigma ministrat.  
Monstrat, ut hic maneat, Gloria, Vita, SALUS.  
Verè Magna Domus, Magnos habet illa Thesaurus,  
Conveniunt rebus Nomina quando suis.

21.887-  
VI



O M U



ILLUSTRISSIMO, & EXCELLENTISSIMO DOMINO,  
**D. CASIMIRO IOSEPHO**

de Korożweki

**M E C I N S K I**

W I E L U N E N S I , & R A D O M S C E N S I

**C A P I T A N E O ,**


Ad Generalia Regni Comitia

è Palatinatu Cracoviensi

**N V N T I O ,**

Domino, Patrono, ac Mecænati Colendissimo.

**F**ortasse placare pacareq; posset animum Tuum, tanta clade; quæ Tu-  
am ROSARUM Domum confudit consternatum, facundia, quæ  
posset ROSAS, ad ROSAS LOQUI, Illustrissime Domine,  
si tanta iactura, aliquo solatio posset compensari. Amisisti Con-  
iugem claritudine Generis Illustrissimam, morum probitate ornatissi-  
mam, magnis natura, gratiaque dotibus excellentissimam, atque, ut in  
compendium omnem eius ornamentorum supellectilem, contraham, Mu-  
lierem Optimam: quid luctuosius? Amisisti unicum Cordis, animique  
Tui Delicium, partem animæ Tuæ, conversationis dulcissima solatium;  
quid acerbius? Amisisti thesauri Tui, plus quam Parquaiam sexaginta  
elegantiarum, Gemmam, Domûs, ætatisque Tuæ pretiosum Florem,  
Maximis æqualem aut vix comparandam, indytissimam Heroinam,  
quid funestius? Amisisti, quod apud Te solum, & unum fuit sum-  
mum, amantissimum, desideratissimum, pretiosissimum, pul-  
cherrimum, optimum; quàm profundum cordis exulcerati vulnus, quod  
omnis incapax lenimenti, omnem, quæ à solo verborum apparatu pro-  
ficiscitur, consolationem non admitit. Tanti doloris intemperantia,  
& impatientia, animi Tui fortitudinis magnanimitatis virtuti  
permultum posse detrabere videretur, nisi parcendum esset incomparabili  
Amori, secundum cuius propè inordinatum affectum, doloris acerbitas  
mensuratur. Non exaggero tantum, tamque pretiosum, & verbis imparè  
erga Amantissimam, Coniugem affectum, exemplorum, affectûs maritalis  
inducti-



notat



inductione, quod illorum est, qui cum sterilem laudum nanciscuntur materiam, Poëtarum figmentis, aut phaleratis eloquentia pigmentis, aut Historiarum exemplis implent paginam; veri, sincerique Tui amoris eiusmodi documentum est, quod alijs meritò cederet in exemplum. Hinc illa mutuorum officiorum contentio, quæ utrinque intensorem affectûs necessitudinem conciliabat, firmabatque; accurata in omnibus circumspèctio, ne quid subesse posset in verbis, aut actionibus, quod tennerrimi affectûs dulcedinem laderet, vel infirmaret. Hoc summum est doloris incentivum, Illustrissime Domine, Amantis Amor, quem vel vitæ pretio, (si ita tulisset fatorum necessitas) rependisses. Sed cavendum nobis est, Illustrissime Domine, ne intemperantia doloris amissa creatura, Creatorem offendamus. Nisi nos homines esse, & humana pati debere meminerimus, DEUM non sapimus: quantumque præsentis vitæ, familiarium, amicorum, coniugum, pignorum, ac propinquorum accedimus, & affigimur ad amorem, tantum discedimus à DEO, & elongamur. Temperet iusta humane conditionis ratio, dolorem Tuum Illustrissime Domine, ne divisum Te coniectare quis velit à Creatore (quod sicut iniquum, ita indignum, & impium est) cum putat incapaci Te solatio, fata ferentem creaturæ. Ab hac suspitione, absolvit Te DEI beneplacito affixa mens, humane conditionis ratio, indispensablem fatorum necessitas, alterna rerum nascentium, & occumbentium vices. Amori imputandum, quod dolori conceditur; ubi amoris culpa digna venia, meretur laudem: non censuram; quam & DEUS mutuam dilectionem commendans, non improbat. Reflecte mentem, Illustrissime Domine, ad absentis amantissimæ Coniugis memoriam, & inde pacando animo Tuo solatia nasci cognosces, unde causa doloris promanarunt. Venerabaris, ut dignam; amasti, ut optimam; & optima queque illi sincero affectu exoptasti. Quid iam egrè feras meliori sorti redditam, & vinculis mortalitatis expeditam, immortales inter cœli municipes recenseri? Habes, quæ reliquit, Illustrissima Domine ornamenta, quorum ipsa magna pars est, in his aliquot paginis exarata, quæ cum mea erga Illustrissimæ Dominationis Tuæ, totiusque MECZYNIÆ Domus, ad cultum, & observantiam, submissa animi propensione, in mœsti, & vulnerati cordis, medelam, & lenimen offero

Illustrissimæ Dominationis Tuæ

Devotissimus

Exorator, & Cliens,

Fr: AMBROSIIUS NIESZPOR-  
KOWITZ.



ILLUSTRISSIMÆ DOMUS WARSZYCIÆ  
V I R T V T I



PULCHRIOR EST VIRTUS SERTO REDIMITA ROSARUM

**Q**ui Divini Numinis Maiestatem, & Immenſitatem ambitu in-  
tellectûs complecti, aut cancellis humanæ eloquentiæ defini-  
re, aut imaginibus adumbrare non posſumus, æquiùs, & hu-  
manæ conditioni, meritoque convenientiùs agimus, cùm humiliter  
coacti in genua, adoramus, & veneramur, ſilentio, quod humano elo-  
loquio



quo non enuntiamus. Grande præsumptionis piaculum, & plenum erroris periculum est, velle metiri ex capacitæ intellectûs illam magnitudinem, quæ extra terminos dimensionis eò porrigitur, quo temeraria Divina cognoscendi curiositas non pervadit, admiratorem, & adoratorem sui admittens, non scrutatorem. Quod Divinitati proprium, illis quoque concessum est, quos character suo D E U S insignivit, in quibus non tantum ut in promiscua hominum multitudine *Divina particula aure*, sed ipsa cum potestate maiestas elucet, & virtutum lineamentis imago expressa D E I ostendit. Illi sunt, quos D E U S Familiarum statuit Principes, & Gubernatores præposuit populorum, quos ideo è reliquorum hominum secrevit, massa ut erga humanum genus vice sua fungantur. Inde, sicut ait Tacitus lib: 4. *Annal: Principibus summum rerum iudicium Dî dederunt; subditis obsequij gloria relicta est.* Quos ad harmoniam universi subiectis præesse voluit, nam nihil tam aptum (inquit Cicero de Legib.) *adius, conditioneraq; natura, quàm Imperium: sine quo nec domus ulla, nec civitas, nec gens, nec hominum universum genus stare; nec rerum natura omnis, nec ipse mundus potest.*

Ita rerum omnium Author naturæ ordini providit, ut quicquid ceteris in prærogativa dignitatis, & authoritatis eminent, similiores quoque suæ naturæ inveniantur. Hinc illos singulari suorum Attributionum, seu Virtutum participatione coram oculis mundi illustriores, Serenissimos, Illustrissimos, Perillustres, Illustres fecit splendescere, quorum cunabula non inter abiectæ sortis quisquiliæ, sed inter Regum purpuras, & laticlavias, inter palmas, & laureas posuit, stipavit sceptris, coronisque Regum, Mitris, clavisque Ducalibus; Honorum omnium vallavit infulis, & summorum potestatum insignibus exornavit, & quod summum commendationis tenet fastigium, illa posuit in mente, pronæque ad omne quod rectum, honestumque est, in voluntate Virtutum semina, quæ cum ætatis profectu in gloriæ adolescerent adorem: ut mox primo illucescente rationis diluculo, se cognoscerent quosdam Deastros, inter Honorum, Gloriæ, meritorumque splendores ad hoc genitos, ut à maiorum suorum Virtutibus non degeneres, non tantum partem Domus suæ gloriæ servarent integram, verum etiam sicut heredum successionem, ita Virtutum imitatione propagarent. Quos tantis fauoribus cælum dignatur, viciniùs ad similitudinem Divinitatis provehit, & veluti Semideos, ab inferioribus suspici, ac adorari, colique decernit. Tanta dignitas non vnius Virtutis merito comparatur: totum hic Virtutum collegium succollatores supponit humeros ut ad tantum rapiat, efferatque gloriæ fastigium, in quo subsistentes, veluti hominum oculis erepti, dignosci nequeant, sitne, præter naturam, in illis aliquid, quod cum hominibus commune habeant, sic ad superum imitationem pertingentes, ut suarum Virtutum, Honorumque iustæ cogitationi, & celebrationi, intellectui, linguæ, calamisque adimant facultatem.

Hac beatitate Illustrissimam WARSICIAM Domum coronavit Superum rarò alijs concessus favor, quando eam omnis Virtutis fecit Palæstram, ornavit meritis, implevit Honorum Infulis. Hic  
omnium



omnium Virtutum chorus æternæ gloriæ nectit coronas: Religio in Templis, Æquitas in Tribunalibus, Sapientia in Senaculis, Fortitudo in bellis; Prudentia in ambiguis, Constantia in arduis, Temperantia in fortunis, Tolerantia in adversis, DEI, Patriæ, & proximi amor, Æquanimitas, & Sanctitas ubique. Vidit hæc Polonus Orbis, laudavit, amavitq; Patria. In Illustrissimis Nominis, & Gloriæ Successoribus cōstans Hereditas, suam originem cum ad prima cum LECHO Regni nascentis exordia referat, semperque novis Virtutum incrementis perficiat, quis præsumat plene investigare per tot sæculorum lapsus decora? omnia hæc illustrarunt sæcula, & cum illa simplici sinceritate, solaque recte facti conscientia contenta, adhuc literatum sterilis, magnalia omnia Virorum illustrium adnotare, ac celebrare neglexerit, solam cum successione propaginis ætatibus nostris transmissit memoriam. Resuscitarunt, & Ecclesiæ Patriæque notam fecerunt sæculis nostris propinquiores Heredes Illustrissimi Virtutem illā, qua pro Ecclesia, Patria, Regum Fidelitate res æterna memoria dignissimas egerunt. Occurrit hic Illustrissimus, & Excellentissimus Dominus MATTHIAS WARSZYCKI Ensifer Łęczycensis, qui zelo æquitatis armatus, acriter contra Crucigeros decertans, æternæ memoriæ gloriā sibi Illustrissimæque Domui conscivit. Non inferiorem gloriā promeritus est Illustrissimus Dominus STANISLAUS WARSZYCKI Capitaneus Cobrinensis, qui Carolo Sudermaniæ Principe contra Serenissimum Poloniæ, & Hereditarium Sueciæ Regem Sigismundum Tertium, moliente fraudes, & iam prope occupante Regni Sueciæ habenas in ipsa Regni Metropoli, ad defensionem Regij lateris, & authoritatis conservationem, auctoravit sumptibus proprijs, submisitque securitati Regiæ consulendo, militum copias; post Regni Thesaurarius, demum Palatinus Podlachiæ, ad Ioannem Basilidem Ducem Moschoviæ Legatus, sicut laboribus non parcens, ita & sumptibus, pacis Patriæ negotia feliciter expedit. Adiecit Illustrissimæ Domui ornamenta, ex Religionis virtute, Illustrissimus Dominus ADAMUS WARSZYCKI Succamariarius Łęczycensis, qui Tempia & Aras erexit, instauravit, dotavit, & fundatione censuum cultum Divinum propagavit.

Redis in memoriam Illustrissime & Excellentissime Domine STANISLAE WARSZYCKI Castellane Cracoviensis, qui omnes in Te exprimens veluti in imagine viva, Antecessorum Domus Tuæ Virtutes, factus Successorum Lex, & Norma. Zelus honoris Divini propugnandi, & propagandi, elucet in foundationibus ad promovendum cultum DEI, alibi frequentibus, tum præcipue in Clari Montis Czerstochoviensis Basilica. Iustitia in Tribunalibus, cuius Virgam æquitatis, nullus favor, aut respectus in obliquum potuit inclinare, aut infirmare. Si quis erga Serenissimos Reges Fidelitatis cultor, & Patriæ integritatis tutor, & custos, præcipue invadente Gustavo Sueciæ Rege Poloniæ Regnum. Excedentibus Patriæ Civibus, unus ille fidelis Patriæ Civis permanens, & quæ ad pacem, Regni integritatem, Serenissimi Regis CASIMIRI lateris securitatem, ac authoritatem Maiestatis, pertinere videbantur procurans, in regni visceribus



veluti Cor, & Anima, Patrem egit Patriæ. Testantur eundem erga Patriam amorem in Prussiam, Moscoviam, atque ad Berestenses Can-  
nas proprijs sumptibus expeditæ copiæ militares, ne mercenarius  
erga Patriam videretur affectus, si censui pepercisset.

Vivit eodem generoso spiritu Virtus Illustrissimi & Excellentissimi  
Dñi MICHAELIS in Warszyce WARSZYCKI Palatini Sendo-  
miriësis, Petricoviësis Capitanei, in cuius geniũ Antecessores, suos vidẽ-  
tur infudisse spiritus, quorum Magnanimitatem Amorem arga Patriam,  
Fidelitatẽ, & cultum erga Serenissimas Maiestates Regias, non adæquans  
tantum sed excedens, factus est sicut antecedentium Heroum Domus  
sux imago, ita Exemplar Successorum. Sicut sanguinem, ita & Vir-  
tutem traxerunt, Illustrissimus Dominus STANISLAUS WAR-  
SZYCKI Ensiser Regni, Capitaneus Łenczycësis, & Illustrissimus  
Dominus GEORGIUS WARSZYCKI Dapifer Siradiensis, qui  
veluti firmamenta Domus WARSZYCIÆ, Illustrissimimi Parentis su-  
stentant ætatem tot laboribus pro Ecclesia & Patria fractam, Curis  
pro communi eiusdem Ecclesiæ, Patriæque bono attenuatam, solatijs  
ex Virtutum profectibus, & meritis honoribus refoventes.

Ad Coronam Illustrissimæ Domus MECZYNIÆ, hoc unum  
desiderari videbatur, ut illi amplissima hæc WARSZYCIÆ Domus De-  
cora infererentur. Itã suavis ordo rerum, è Divini placiti decreto  
exposcebat, ut cum his omnibus ornamentis Illustrissimæ Domus  
WARSZYCIÆ, Gratiã, Illustrissimã BARBARAM WARSZYC-  
KÀ, Illustrissimi, & Excellentissimi Domini Palatini Sendomiri-  
ensis Filiam, in vitæ Societatem assumeres, Illustrissime & Excellen-  
tissime Domine CASIMIRE de Koroźwëki MECINSKI Wie-  
lunësis, & Radomscensis Capitaneæ. Totam hanc WARSZYCIÆ  
Domus ornamentorũ supellectilem Gentilitiæ ROSÆ capedine excepi-  
sti, ut tam illustria Virtutum ornamenta, ex Tuæ quoque Domus  
Illustrissimæ ROSA, pulchritudinis additamentum haberent. In-  
duxit in Domum Tuam Illustrissima Heroïna illam Virtutum omni-  
um coronam, quæ Gentilitijs Tuis ROSIS veluti congenita, Tuæ  
vitæ cursum florere fecit, & in Gymecæo Virtutum suarum animo  
Tuo, Virago Sancta, & pudica Mulier, illas delicias comparavit, in  
terra, quibus in Paradiso abundat innocentia. Accepisti ex ea co-  
ronam, quæ Te circumstat, & coronat, amantissima pignora, & hoc  
satis Tuo desiderio videtur esse, ex tanta Matre illa suscepisse, quæ Te  
veluti florentes, vernantesque ROSÆ circumdant; IOSEPHUS,  
ALBERTUS, MARIANNA, CATHARINA, CON-  
STANTIA, quibus ad Virtutem omnem suffragatur illa par ma-  
gnis capefcendis Honoribus indoles, quam ex Te Illustrissimo Ge-  
nitore, & ex Illustrissima Parente acceperunt sic ordinante Deo Na-  
tura certare videtur, & Fortuna, utri plus debeat indoles Matri, an  
Parenti, quorum æqua Virtus, eò conatus, & vim exerit, ut utriuf-  
que, Paternæ, Maternæque Domus Virtutum incrementis augeant or-  
namenta, utpote legitimi utriusque Familiæ Virtutũ imitatores, & He-  
redes. Discernet, decernetque Superum favor, utrique Illustrissimæ  
Domui deberi ex Successoribus bene ominata decora, qui ex utra-  
que Do-



que Domo, sicut sanguinem, Virtutum semina, & exempla ad imitationem acceperant, pro quibus, sæculi certavit annosum tempus, ut coæva Stemmata, tandem aliquando præfinito coalescerent in tempore, ex quorum coniunctione fortunata, fortunata Soboles emergeret, ampliorem Paternæ, Maternæque Familiæ Virtutum lucem datura. Nongentis annis ex Illustrissima WARSZYCIORUM, Familia cunæ parabantur, & purpuratæ Ducum WISNIOWIECIORUM, KORYBUTHORUM, & ZBARAVIENSIIUM, ex Materna linea fasciæ; ut ad capescendos in Patria dignitatum fastes suffragarentur; ROSA Paterna, Roseam Vobis Sanctorum Adalberti Martyris, Archiepiscopi Gnesnensis, & Gaudentij, meritis ornatam viam pandit; adiecit & suam purpuram Martyrij, sæculo nostro laureâ Martyrum in Iaponia coronatus Domesticus, quia cognatus Vester ALBERTUS MĘCZYNSKI Soc: IESU, ne communi omnium via in primæ lucis usuram prodirent, daturi suis Virtutibus Ecclesiæ, Patriæ, & Familiæ lucem. Vivite & veluti ROSÆ, ad utriusque Illustrissimæ Domus ornamenta, florete, adolescite, & amissa in Illustrissima Matre WARSZYCIÆ, & MĘCZYNIÆ, Domûs solatia, amantissimo Patri compensate, & multiplicare.

Virtutum Illustrissimarum, cùm ex utraque tum WARSZYCIORUM, tum MĘCINIORUM, Illustrissima Domo transisset per imitationem seriam, severamque, exempla, meritò hoc ei ponitur futuris ætatibus.

## MEMORIALE

Universitatem Virtutum unam comprehendisse  
Mulierem, ad orbis invidiam qui videre desiderat,  
Omnium Mulierum speculum, & ornamentum intueatur,

*ILLUSTRISSIMAM DOMINAM*

D. BARBARAM de Warszce MĘCINSKA

*ILLUSTRISSIMI & EXCELLENTISSIMI DOMINI*

MICHAELIS in Warszce WARSZYCKI,

Palatini Sandomiriensis, Petricoviensis Capitanei

FILIAM

Wielunensem, & Radomscensem Capitaneam,

*ILLUSTRISSIMORUM DUCUM*

WISNIOWIECIORUM, KORYBUTHORUM, ZBARAVIENSIIUM;

Ex linea Materna Neptem inclytam,

Quæ

In Regias, ac Imperatorias affinitates, & cognationes

suum genus protenderis,

Tantarum dignitatum fastigia

E

Virtutum



Virtutum æquavit ornamentis.  
 Religiosa in D E U M, & Cœlites;  
 Pia, Pudica, Casta, Misericors,  
 Virtutes in summo positas, in se redegit in compendium,  
 Ut quod alijs mulieribus in partes divisum concessum est,  
 Sola collectum in compendium possideret,  
 Modestix omnis archetypon, & Exemplar.  
 Domus M E C I N I Æ Decus W A R S I C I Æ Gratia,  
 Orbis Poloni Pandora.  
 Misericordijs pauperum dives,  
 Copiosa meritis.  
 Annos ætati detractos,  
 Meritis superavit.  
 Nondum matura ætate erepta terris,  
 Virtutibus senectutem complevit:  
 Cœlo semper Matura innocentia est,  
 Quod non annos, sed virtutes in illis computat, & æstimat  
 Quos suscipit.  
 Avarum corde, & invidum.  
 Non diu tolerat in terris plenos virtutibus;  
 Deceptor mundi indignum fovere fuit tantum depositum  
 A quo ne in suam partem quid detraheret  
 Cavet cœlum indemnitati, cum quod suum erat abstulit.  
 Noverat illa quod cœlum divites expetat,  
 Excludatque pauperes,  
 Ideo tota ad divitias intenta,  
 Ingentem quæstum fecit; ex fortuna;  
 Ut largitionibus in pauperes fieret ditior.  
 Gemunt se Matrem amisisse  
 Maternam sollicitudinem experti dum viveret.  
 Extra merendi statum positi,  
 Senferunt liberalitatis eius affluentiam,  
 Cum ad refrigerium in pœnalibus flammis,  
 Ad suffragia frequentioribus subveniebat impensis,  
 Noluit sterilem in suis manibus esse fortunam,  
 Qua emi cœlum credidit.  
 Postquam Illustrissimam Domum Virtutibus  
 stabilisset, ornasset non minus naturæ,  
 gratiæque dotibus,  
 Domum servasset, amantissima pignora  
 exemplis instituisset,  
 Temporalem vitam, ut viveret æternam exiit:  
 Illustrissimo Genitori, Coniugi, Pignoribus,  
 Mœrrorem, Amorem, Dolorem,  
 Omnibus  
 Sui desiderium relinquendo.

ILLU.

T  
 vis c  
 taten  
 refer



ILLUSTRISSIMÆ DOMUS WARSZTICÆ  
H O N O R I.



ORNATUR, & ORNAT.

**T**anta est VIRTUTIS, & HONORIS affinitas, & consensio, ut nullibi verum Honorem repereris sine pulchritudine Virtutis, Virtutem nullibi non honorabilem effendas. Et quamvis quandoque emeritum non sortiatur honorem, non ad indignitatem Virtutis, sed ad fortunæ, hominumque invidiæ malignitatem referendum. quæ non æquo oculo ferens, recte facti meritum, quamvis hu-



vis humiliatam, depressamque, contemnat, sæculi vitium est, non Virtutis, quod vanis gaudens honoribus, nec perpendens quid cuique iustitia tribuendum iubeat, etiam monstra adorat sub purpura, quibus cum nihil sit Virtutis, præter nomen, nudumque titulum, veris frui non possunt, exornarique honoribus. Quod antiquitas docuit cum Honoris templum statuit, ad quod nulla vi patebat aditus, nisi per Templi Virtutis portam; quo manifestum esset neminem honore dignum, nisi in palæstra Virtutis exercitatum, illosque iniquos honorum usurpatores, raptores, furesque Repetundarum reos haberi, qui sine meritis altiora honorum expetunt, & occupant subsellia, inter honoratos haberi, censerique, & digito monstrarier: Hic est! sicut natura sua ubique, & semper expetenda, ita honoranda est, & quamvis promotore carens non surgat in altum, non vel ideo æstimanda vilior, & abiectior, quæ ex natura sua pulcherrima, amorem apud veros æstimatores habet, & honorem, ipsa alienæ non indigat laudis, Ipsa sibi Virtus pulcherrima merces. Honor qui à Maiorum ceris, & fumosis imaginibus in Successores descendit, alienus est; nam & Genus, & Proavos, & quæ non fecimus ipsi, vix ea nostra putamus, Verum proinde est, quod Qui Genus iactat suum, aliena laudat, nisi in sublimi Honore à Maioribus accepti statu, vita non humilis respondeat. Hæc est principalis felicitatis portio, in Illustrissima WARSZYCIORUM Domo, quod legitima Virtutis ad Honorum Curules via proficiscuntur, nec Sanctas Maiorum, Abavorum, Atavorumque Ceras non vitæ humili profanant, sed Virtutum imitatione exornant, meritoque veris potiuntur Honoribus, quorum pulchritudinis, & claritudinis in alias quoque Illustrissimas Familias splendores reflectunt, nova, & nova in Illustrissimis Successoribus parælia replicando. Lucent in Honorum Curulibus, veluti in firmamento maiora lumina, quæ Patriam illustrarunt meritis. Huc referri potest Illustrissimus Dominus IOANNES WARSZYCKI, qui inter hostium arma occumbens, Ecclesiæ defensionem, Patriæque integritati litavit sanguinem, ut pretiosa sui sanguinis ornatus purpura honoratior fata exciperet. Honoris partem inter Illustrissimos meretur Illustrissimus ANDREAS WARSZYCKI Siradiensis Nobilitatis Princeps, & ornamentum, qui ultrò oblatas honorum renovens infulas, Vir alienus ab omni ambitionis nota, fastuque, solaque Virtutis congenitæ possessione contentus, Honorum fuga, neglectuque, magis se honorabilem ostendit. Non excidet e memoria Patriæ Illustrissimus, & Excellentissimus Dominus STANISLAUS WARSZYCKI Cracoviensis Castellanus, sicut, Patriæ Legum Assessor, ita & Libertatum defensor, qui cum primæ auctoritatis prærogativa assistens Illustrissimo & Excellentissimo Domino GEORGIO LUBOMIRSKI Comiti in Wisnic, & Iaroslâw Magno Poloniae Regni Mareschalco, & Exercituum Duci Castrensi, labanites Atlas uterque Patriæ Libertates sustinuit, firmavitque. Satis inde Honoris accessit & gloriæ Illustrissimo Castellano, quod prætiosam aureæ Libertatis prærogativam stabiliendo, penes tanti honoris possessionem totam Nobilitatē servavit. A SIGISMUNDO  
Tertio



Tertio Serenissimo Poloniae Rege Primus incorruptae fidei, & integritatis Senator, inde maiorem honoris accessionem habuit, quod sicut Serenissimo Regi SIGISMUNDO, ita succedentibus ad solium Serenissimis Regibus VLADISL AO IV. CASIMIRO III. MICHAELI I. & IOANNI III. nunc felicissime regnanti charus; sicut Serenissimo MICHAELI ad Regnum promotor, ita in Electione Serenissimi IOANNIS primus fuit, qui liberae vocis suffragio IOANNEM ad Fasces, & Diadema Regni deposcebat. Ut fatidicum Ordines acceperunt oraculum, ad Regnum IOANNEM expetentes. Verum qui primus IOANNEM Regem dixit, idem in folio per [authoritatis assistentiam firmavit. Nescio si quae maior dignitas, Honorque, quam ita firmare folia Regum, & uno omnium ore, veluti transfuso spiritu omnium in unius mentem, & sensum, Regem noncupare. Addidisti tanto suffragio momentum Illustrissime & Excellentissime Domine MICHAEL in Warszyc Warszycki, Palatine Sendomiriensis Petricoviensis Capitaneae, cum semper assistens lateri Illustrissimi Senatoris, veluti votorum illius instrumentum tam ardui moliminis, Regium Serenissimi Regis Honorem apud alios promovebas. Cuius postmodum expeditionum contra illam Ottomanicam multitudinis colluviem, ad Vieneses, & Strigonienses Campos individuus Comes, & lateris custos, cum suis auctoratis non levi impendio auctoratis Copijs militaribus, sicut arduorum periculorum socius, & Victoriarum particeps, hoc singulare Illustrissimae Domui suae Honoribus addidit Coronamentum ut non mirum modo videatur, quod Regijs affectibus insinuat, Honorum actus percipias, & in Illustrissimos Filios STANISLAUM Regni Ensiferum, & GEORGIUM Dapiferum Siradiensem transfundas.

Non otiosus in Te Regni ENSIFERI Honor est Illustrissime STANISLAE WARSZYCKI Łęczyensis Capitaneae. Par tanto muneri, & Honori, hoc Fortitudinis Antecessorum Tuorum instrumento, & Symbolo, per dignas, debitasque tantae praerogativae Virtutes, ad sublimiora capeienda in Patria dignitatum insignia Te disponis, quo Tua maturescens in Virum perfectum aetas, & nativa indoles, in hoc Honore, veluti futurorum ampliorum rudimento, ex Virtutum suffragijs, indubiam promotionem pollicetur. Augurantur illam naturae haud cuiquam aequalis, dotes eximiae, iudicij limatissimi in rebus agendi maturitas, & dexteritas non semel Patriae in publicis tractandis negotijs, precipue in Tribunalibus Regni, in quibus cum Iudicis authoritate praesidebas, probata; aut in Generalibus Regni Comitijs, ad quae Nuntius e Palatinatu Łęczyensi mittebaris; Inde singularis prudentiae commendatio, Honesti, rectique cultus, Aequitatis observatio, Ecclesiae, Patriaeque boni aut promovendi, aut propugnandi zelus imictus, Humanitas e sublimi tum Generis, tum Honoris fastigio ad omnium observantiam, & cuique debitum honorum inclinata, Affabilitas ad omnes amplectendos affectu benevolentiae admodum prona, Maestas vultus, & in actionibus gravitas, Liberalis erga omnes, animus affectus, & manus: Religio, & Pietas erga Tēpla & Aras quae Te cum omnium non fucatis, aut mentitis amoribus insinuant,



& affectibus; non vana præsumptione Te ad omnia summa natum  
ominantur, & exoptant. Sicut sublimitate Illustrissimi Generis, ita  
dignitate Virtutis Illustrissimo Germano par, Illustrissime GEOR-  
GI WARSZYCKI Dapifer Siradiensis, pulchra æmulationis  
contentione ad altiora in Patria occupanda honorum fastigia proce-  
dis, quo gradum, cursumque promovet, sternitque severa Maio-  
rum Virtutis imitatio, agendi, tractandique graviora publicorum ne-  
gotiorum momenta, dexteritas, & industria, cuius exhibitum speci-  
men in Te e Palatinatu Cracoviensi Nuntio, viderunt, audieruntque  
Generalia Regni Comitia, ubi adeo exacte cum Illustrissimo Ensi-  
fero, Germano Fratre tam honorifico munereungebaris, ut manifeste  
in Vobis constiterit, quâ sitis origine nati, ac inde appareat Vestram  
indolem in Illustrissimis Abavis Atavisque, Ducalibus mitris, coro-  
natam, fultamque Clavis, non decere, debereque in humilioribus re-  
poni Honorum Curulibus, quorum ad magna natæ indoli, DEUS &  
natura, in Maioribus Virtus, & Gloria, prolusissent.

Pertingitis ex Ascendentium linea, sicut ex Paterna ad prima Regni  
cum LECHO nascentis cunabula, ita ex Materna ad Augustissimorum  
Orbis Imperatorum solia, per Illustrissimas WISNIO WIECIO-  
RUM KORYBUTHORUM, & ZBARAVIENSIIUM Du-  
cum, cum Regibus, & Imperatoribus Cognationes, & affinitates,  
ex quibus non ita pridem Serenissimum MICHAEL KORI-  
BUTH in Regali folio Polonus orbis adoravit, cui illa Ter Augu-  
sta, & in paucis felicissima Matrum Niobe GRISELDIS CON-  
STANTIA, quidquid magnarum Virtutum, Honorumque in Avis.  
Proavisque Illustrissimis fuit, futuro Regi in Coronam solido nexu  
illigavit; quæ primum in LITAONE, à quo LITWANIE  
Principatus primum Nomen accepit, MENDOLFI, TROIDE-  
NI, & DOUMUNDI, Fratre descendentiâ, quæ deinde post Fra-  
ternas cædes, ad VITENUM cum summa potestate, iureque in Li-  
thvaniæ, & Samogitiæ gubernationem translata, per GEDIMI-  
NUM OLGERDUM, qui assumpta in federa Matrimonialia MA-  
RIA Ducissa Russiæ, duodecim filios progenit, IAGELLO-  
NEM, KORYBUTUM, NARIMUNDUM, & alios, ex qui-  
bus IAGELLO, summum nactus Lithvaniæ Principatum, VI-  
TOLDO genito Lituaniam Poloniæ Regno nexu insolubili fœde-  
ravit; KORYBUTO interim Fratre ad capeffendas Regni Bohe-  
miæ habenas advocato, ex eo descendens BASILIUS KORY-  
BUTOVIUS, Ducibus ZBARAVIENSIBUS, & PORY-  
CENSIBUS cum origine, & Nomen transfudit, & prærogati-  
vam Principatus, quæ usque in Illustrissimum CONSTANTI-  
NUM KORYBUTHUM Ducem WISNIO WIECIUM Pa-  
latinum Beszensen, transmissa Honoris hereditas, implevit avitis Lu-  
næ, Stellæque Gentilitijs luminibus Illustrissimam Domum WAR-  
SZYCIAM, quando Illustrissima Princeps WISNIO WIECIA  
KORYBUTHÆI sanguinis planta, ad Socialia Matrimonij fœde-  
ra assumpta ab Illustrissimo Dño STANISLAO WARSZYCKI  
Castelano Cracoviensi, Illustrissimam Domum, maioribus fecit cla-  
rete splendoribus. Si ad



Si ad collateralem lineam IAGELLONUM mentem, & calamum adverto, video per hanc affinitatem in Domum Illustrissimam WARSZYCIAM influere Archiducalibus Austriacorum Mitras, & Augustissimorum Romanorum Imperatorum sceptras, & Coronas. Hic KORYBUTHÆIS lucet splendoribus VLADISLAI IAGELLONIS Poloniæ, & KORYBUTHI Bohemiæ, Regum Germana Soror ALEXANDRA, quæ ZIEMIO WITO quarto Masoviæ Duci iure Connubiali iuncta, BOLESLAUM, & CYMBURGAM genuit, post ERNESTI Archiducis Austriæ, Augustam Maritam, fecundam Imperatorio Matrem germine, novem Austriacorum Genitricem, ex quibus Christianis Orbis FRIDERICUM III. in solio Romanorum salutavit Imperatorem. Quam cum inter Imagines Austriacarum Mulierum, ad Serenissimam Imperatricem MARIAM, CAROLI V. Filiam, Augustam Maximiliani II. Rom: Imp: Uxorem Franciscus Tertius Bergomas collocat, hoc ei subscribit Elogium. *CYMBURGIS Ziemiowiti Ducis Mazovia Filia, Magnitudine animi & fortitudine corporis supra omnes feminas excelluit, summas res gessit, aternis literarum monumentis celebrandas, Magnorum Litvania Ducum, unde originem ducebât, & imitata gloriam, & affecta; à cuius Filio FRIDERICO, non interrupta Romanorum Imperatorum successio, usque ad moderum Augustissimum Romanorum Imperatorem deducta, ad KORYBUTHORUM Domus Claritudinem omnia decora, Virtutes reflectit, & merita. Strictim percenseo tot Serenitates, & splendores, quæ Lunam KORYBUTHEAM cum in auge gloriæ toti mundo fecerunt lucere, in Illustrissimam quoque Domum WARSZYCIAM suas claritudines transmiserunt, per Coniugalia fœdera Illustrissimi Domini MICHAELIS WARSZYCKI Palatini Sendomiriensis, cum Illustrissima D. ANNA de ROXYCE WARSZYCKA, Illustrissimi Domini DEMETRII KORYBUTH Wisniowiecij Castellani Cracoviensis, & Generalis Exercituum Regni Ducis, ex Patruo Germana Sorore, Illustrissima BARBARÆ MEJCZYNSKA Wielunensis & Radomscensis Capitanei Consortis Genitrice, quæ tot seculorum lumina, Augustum illius Hymenæum ad Illustrissimi Palatini thalamos comitabantur, ut illa esset Luminum primæ magnitudinis Domus, in qua in seris Nepotibus lucentes in auge Honorum, & Gloriæ Lunæ KORYBUTHEÆ nullum occasum nulla, deliquia subirent.*

Si quod in cœlo sidera, hoc flores in terra, meritò flores, terræ soles & sidera, sicut sol, & sidera cœli flores, noncupantur; Gentilitia Tua ROSA, Illustrissime Domine CASIMIRE IOSEPHE Wielunensis, & Radomscensis Capitaneæ, in Patria, Solis quandam terrestris refert imaginem, in qua omnia Domus ROSARUM resplendent Decora, quæcunque Christianus orbis tum in Pontificalibus summorum Christi Vicariorum in terra Mitris, Cardinalium purpuris, adoravit. Iam à nongenis annis Polonum cœlum cum Illustrissimo Fratre Diui ADALBERTI Archiepiscopi Gnesnensis, & Martyris, de appellatione PORAY subiit, nunquā tamen tot annorum vetusta-



te suam amittens venustatē, fragrantior semper novis bonæ famæ odorū, seu Honorum accessionibus, vividior, & illustrior, in suis delicijs non tantum Polonum, at universum Christianum orbem facit hilarescere. Quid multis hic magna Nomina referam Illustrissimorum de ROSARUM Domo Virorum? Omnes summas supremasque in Ecclesia, Patriaque ornarunt dignitates, & coronarunt, ut merito dixerim altiora subsellia tantum illis addidisse honoris, quantum illi dignitatibus ipsis decoris addidissent. Archiepiscopales, & Episcopales Infulæ, Ducales Clavæ, Senatorum subsellia, omnium dignitatum Curules, per nongentorum annorum cursum de ROSARUM stirpe sua semper habuerunt ornamenta. Cælum ipsum floret amœnitas, quod ex hac Illustrissima Domo Beatis completur, ornaturque mentibus. Duces Exercitum Centum, Sexcentos Senatores, innumeros aliorum dignitatum ornamentis illustres Viros hæc ROSARUM Domus numerat; Beatos quorum publicus honor in Ecclesia habetur, septem percenset, non ineundo numerum absque numero illorum, qui sub infulis Ecclesiasticarum, seculariumque dignitatum, in Toga, Sagoque sanctam viventes vitam, beatæ æternitatis excepti sinu, terram, & cælum, odore, honore, decoreque sanctitatis famæ impleverunt. Ita Gentilis MĘCZYNIORUM Domus Illustrissimæ, & Sanctissimæ PORAY, non tantum per amplissima terrarum spatia suas Virtutum, Honorumque extendit propagines, ad Empyreum suæ celsitudinis exporrexerit cacumina, gloria immortalitatis coronanda. Integra implerent volumina, ingentia Illustrium Virorum de MĘCZYNIORUM Domo Nomina, si recenserentur omnia; indignum ideo, & iniquum est, foliorum aliquot angustijs arctare illorum magnalia, quorum Sanctitatis, & Fortitudinis, omniumque Virtutum Heroicarum gesta, sicut librorum capacitatem, ita scriptorum conatus excessissent.

Dulce tamen est in memoriam & venerationem advocasse Magna illa Nomina Virorum, quorum in benedictionibus memoria cum sit apud DEUM, esse debet & in laudibus hominum. Post Sanctissimum Martyrem Archiepiscopum Gnesnensem D. ALBERTUM, & GAUDENTIUM ad eandem Cathedram successorem, occurrit ANDREAS ROSA de Korozweki eiusdem Cathedræ Pontifex. Natum in ROSARUM Domo Decus inclytum Patriæ, B. VINCENTIUS KADŁUBEK, qui Cracovienses Cathedras, & Infulas, cum Virtutibus Pontificijs, & gloria sanctitatis exornasset, etiam scriptione gestorum in Polonia, Patriam illustravit. Non minori meritorum, ac Virtutum lande præfulgens, easdem Cracovienses Cathedras exornavit ZAWISZA, Vir tantæ Virtutis, quæ digna fuit, cui absens Poloniæ Rex LUDOVICUS, totam Regni gubernandi molē commendaret. Eadem intulerunt ornamenta in Episcopalem dignitatē BODZIAN-TA IANKOWSKI, & IOANNES GRUSCZYNSKI, Cracovienses Pontifices, Ornarunt & Wratislavienses ZYROSLAI, Plocenses VERNERI, Leopolienses KORYCINSCII Præmyslienses & Varmienses ZBASCY, ut alios de Domo ROSARUM omittam Pontifices, ut constet non tantum Italiam, unde hæc in Poloniam



loniam propago deducta est, Romanasque Arces summis Antistitum Infulis, & Cardinalitij purpuris, sub qua & hodie de Familia Ducum GRAVINÆ, de Ordine Prædicatorum assumptum VINCENTIUM Urfinum, Tituli S. SIXTI, Roma Cardinalem veneratur, honorare, verum Poloniam quoque ROSAS inde traduces Mitris Pontificalibus exornare.

Tantus Patriæ ROSARUM amor est, tantus honor, & observantia, ut non patiatur eas in communi reliquæ Nobilitatis censione relinqui, maioribus illas admovent dignitatum splendoribus, ut ORNENT, & ORNENTUR ab illis. Prætereo hic vetustiora in Republica Sapientiæ, & Prudentiæ, de ROSARUM Domo oracula, & miracula, quæ semper admirabantur, ac venerabantur sæcula. A centum, & sexaginta annis, titulum de KUROZWEKI acceperunt MECINY, ut ante per septingentos, & amplius, annos in varias Domus ROSARUM divisa Familias, propria nuncupatione de KOROWEKI dicerentur, sumpto exordio ab ALBERTO de Korozweki MECINSKI Anno Domini MDXXII. ALBERTI MECINSKI Patris, qui Illustrissimum ANDREAM de Kurozweki MECINSKI Castellatum Wielunensem, Capitaneum Brzeźnicensem genuit, magnum Domus MECINIÆ Decus, ex quo prognatus MATTHIAS de Korozweki MECINSKI Magnum illum in Republica Sapientiæ, & Prudentiæ exemplar, & normam Virtutis, genuit, Illustrissimum Dominum ALBERTUM CASIMIRUM de Korozweki MECINSKI Succamerarium Wielunensem, Layscensem Capitaneum. Hic est ille Tuus Genitor Illustrissime Domine CASIMIRE IOSEPHE de Korozweki MECINSKI, Wielunensis Capitaneæ, quem Generalia Regni Comitata, & Tribunalia, in quibus & Marechalci dignitatem sustinebat, ut vivum Sapientiæ & Prudentiæ venerabantur oraculum, à cuius facundissimo ore, dum ut Patriæ Confus daret consilia, aut proferret sententias, pendebant Ordines: ut erat semper Serenissimorum Poloniæ Regum observantissimus, sic ipsæ amantissimus, pro quorum honore, & Patriæ amore, sumptus impendens, & labores, dignas æterna res gessit memoria. dum terræ Wielunensis copiarum Dux electus, Patriam populantes Succorum turmas, ad Boleslaviam, Calissum, Petricoviam Heroa persecutus fortitudine, cecidit, profligavit, cuius fortitudinis sumpsit tyrociniam, dum sub Zbaraż, Zborow, & Barow victrici Marte cum hostibus Patriæ decertavit. Prætereo Illustrissime Domine Capitaneæ, Patruī Tui ANDRÆ MECINSKI in Moschovia, ALBERTI in Prussia, & sub KORSUN illustra Heroæ magnanimitatis facinora, quibus parta gloria, Illustrissimam Domum MECINIAM decoravit.

Dum igitur in unum cōeunt Illustrissimæ Domus WARSZYCIÆ, & MECINIÆ decora, utrique illud adscribi potest: ORNATUR, & ORNAT, sicut enim, ut passim aimus; Unita Virtus fortior, ita coniunctione tot primæ magnitudinis siderum Illustrissima Domus utraque clarior effecte est. Ornavit Genius Domus Tuæ



Illustrissime Domine Gentilitijs R O S I S Illustrissimam Heroi-  
nam B A R B A R A M, vnicam Domus W A R S Z Y C Y Æ  
Gemmam, & vicissim ab ea illa omnia accepit in ornamentum De-  
cora, quæ ab Illustrissimis Litvaniæ, Russiæ, Austriæque Ducibus  
accepit, vt & Tua Illustrissima Domus, semper esset ROSA-  
RUM DOMUS, ET HONORUM; Cuius Heroi-  
inæ merito Honori, hi inscribuntur,

## T I T V L I.

Illustrissima ex Illustrissimis, Maxima ex Maximis,  
DUCIBUS, REGIBUS, IMPERATORIBUS,  
Avis, Abavis, Atavis, Tritavis,  
Optima, ex Optimis,

B A R B A R A de Warszyc M E C Z Y N S K A  
Humanissima, nihil asperum, præter Nomen præferens,  
Subnixa Maiorum Honoribus, & exaltata,  
Se minimam, & abiectissimam reputans,  
Per omnem pompam, & fastum, proculentam,  
Verum Honorem est adepta Sanctorum,  
In sui, Honorumque contemptu,  
Docta molem ædificij in altum assurgere non posse  
Nisi profunda jecerit fundamenta.  
Honoris alieni tutrix & patrona,  
A trifulco linguæ obloquentis, abhorebat jaculo,  
Inimicum rata suum,  
Si quem famæ alienæ hostem advertisset,  
Sueta sibi, proximoque minùs affectos  
Non indignatione, sed dissimulatione,  
& compassione punire.  
Ubi suspicionem nominis gratia mansuetudinis absolvit.  
Erga Deum Pietas, erga Proximum Charitas,  
Erga amantissimum Coniugem Amor, & observantia  
Erga omnes constans Benevolentia,  
Omnibus fecit & Amabilem, Honorabilem.  
Deum in servis DEI  
Christum pauperem, observans in pauperibus,  
Humanissime excipiens. eleemosynis sublevans,  
Datum, accepti beneficio convertens;  
Semper tantum sibi injuriæ factum arbitrata,  
Quantum egenti, & misero gratiæ non præstitisset.  
Exterioris formæ, & compositionis muliebris cultum,  
Ad interiorem animi culturam transferens,  
Sibi facta prototypum, & exemplar,  
Ex imagine integerrimæ mentis,  
In forma, exterioris morum, & cultu corporis,

Detraxi



Detrahit, quod oculo humano tantum placere potuit,  
Quod Divino, adiecit.

Sciens in ROSARUM DOMO,  
Neminem debere male olere,  
Ne deesset Illustrissimæ, & florentissimæ Domus privilegio,  
Fragrantissima e Maiorum Virtutibus intulit Florilegia,  
Ut per hunc odorem, Domus Honorem promoveret.  
Ideo in Gentili MĘCZYNIORUM PORAY  
Albet vitæ innocentis merito, vt Lilium,  
Rubet Charitatis DEI, & proximi-ignibus vt ROSA,  
Pallet attenuata mortificationibus, vt Narcissus,  
In abiecta sui demissione serpit humiliter, vt viola.  
Ideo famæ bonum odorem reliquit

Unde

WARSZYCIA, & MĘCZYNIA DOMUS

Repleta est ex odore ungenti:  
Non refuge odorum fragratiam  
Quod scarabæorum est;  
Ama, quod apum, dulcedinem.  
Ambitiosa Illustrissima Virago,  
Inter Illustrissimos Natalium splendorēs genita,  
Ad Lucidam semper Cœlorum Domum suspirabat,  
Tam diu se alienam & exulem ab ea dolens,  
Quam diu in proprijs, & domesticis morabatur.  
Quid aliud in tenebris mundi expeteret  
Quam Lumen, Filia Lucis?  
Minus æstimavit Gentilitias, & Genethliacas Luces,  
Ad Lumen Sanctorum nata,  
Quod ad cœlum viam virtutis, & veritatis demonstrat  
Funeſtavit occasu suo Illustrissimas Luminum Domos;  
Luctum induant Aulæ, non animi,  
Quibus licet dolorem induxit, affectum non abstulit  
Honori illius famulata mors videtur  
Cum cæteros involuat tenebris,  
Illam luce decoravit,  
Quæ extincta,  
Non tenebras, sed virtutum Lucem reliquit.  
Æterno summo Bono mentis oculum semper assuefaciens intuendo  
Clausit oculos, ne videret mundi mala.  
Nunc primum æterna felicitate beanda,  
Cum mundi miseriam evasisset.  
Secura lapsus periculi Stadiodroma,  
Quod virtutum cursum emensa  
Securitatis æternæ bravium apprehendit,  
Quod proprie Sanctorum est:  
Hanc rectam sequere viam Viator, & exemplum,  
Ne æternum desectas in errorem.



ILLUSTRISSIMÆ DOMUS WARSZACIÆ  
D E C O R I.



VINCTUM NEC FATA RESOLVENT!

**S**icut nemo sibi natus, ita sibi nemo sufficiens est. Quis enim est, qui alicuius ope, auxilio, solatio, societate non egeat? Si animalia in suas divisâ species, & volucres, naturæ solius instinctu, colunt societatis necessitudinem, quis non videat id maxime decere homines, qui quantum à brutis differunt dignitate, tantum



tantum dissidere tenentur rationabiliter agendi necessitate. Ideò  
 dictante natura, cōcunt in socialia amicitiaē fœdera, ut in necessitate  
 subsidio, in quiete mutuo fruantur solatio; ideo sancta Matrimonij  
 assumunt vincula, ut in accidentibus malis, bonisque alterno fove-  
 antur auxilio, obsequio mutuo sublevantur; & transmissa in poste-  
 ros hereditate, Nomen, genusque suum in seris faciant nepotibus pe-  
 rennare. Hoc principale humani generis bonum est societatis.  
 Adde ad societatem illustres, potentes, copiosas, honoratas iustas,  
 sanctas, fortunatas Affinitates, & decoro admodum, pretiosoque ferto  
 Domum coronasti. Hoc obtingit Domui Tuæ Decus, Illustrissime  
 Domine CASIMIRE de Korożweki MECZYNSKI, quod  
 Illustrissimarum cognationum Domus Tuæ ROSIS inserantur illa  
 Illustrissimæ Domus WARSZYCIÆ ARMA, quæ Domus ME-  
 CZYNIAE Coronam admodum pretiosam, decoramque compleve-  
 runt. Præter Illustrissimorum Ducum Lithvaniæ, Russiæq; splendores,  
 influunt Regum Poloniæ, ac Imperatorum, lucidos consanguinitatis  
 nexus, HOPOROVII, BAWOROVII, KONIECPOLII, GRUDZI-  
 NIJ, MIELECII, BYKOWII, WALEWII, WIERZBOVII, ma-  
 gna in Patriæ cœlo lumina virtutibus, & meritis lucentia. Non postre-  
 mum decoris additamentum inseruntur ex Illustrissimo & Excellentissi-  
 mo Domino FRANCISCO IORDAN Woynicensi Castellano, Illu-  
 strissimæ MARIANÆ Eniferi Regni STANISLAI WAR-  
 SZYCKI Coniugis, Genitore, qui & Iudicia vulgo KAPTUR  
 dicta, sub tempus vacantis Regij Solij, in quibus cum suprema pote-  
 state Marechalcus, & Iudex præsidebat. Tribunalia, ac Generalia Re-  
 gni Comitia, grandia agentem, dictantem, decernentem, avido Sapi-  
 entia, & Prudentia audiendæ, silentio colebant; innectit amplissima  
 ornamenta, & Illustrissimus Dominus IOANNES de Odrowaź  
 PIENIAZEK Palatinus Siradiensis, ex illo sancto honoris Divini  
 Patrijque, quo semper calet, feruetque zelo, ore, calamo, potens &  
 opere, in Tribunalibus, in quibus cum summa potestatis prærogati-  
 va Marechalcus sapius præsidebat, tum in omnibus Regni Comi-  
 tijs Generalibus, in quibus Legum, ac Libertatum Patriæ sanctitudi-  
 nem tuebatur, Magnus Magni Senatoris Illustrissimi Domini MI-  
 CHAELIS WARSZYCKI Gener, qui cum per affinitates RO-  
 SIS interatur MECINIIS in Decoris Coronam sinuantur, quæ  
 magnas utrinque Domos exornant. Stipant coronantque ROSA-  
 RUM Domum MECINIAM, BALORUM, MINOCIORUM,  
 LANCKORONIORUM, nobilissima insignia SAMOTULSCII,  
 TECZYNIJ, KORYCINIJ, ZBASCIJ, LATALSCII, RYL-  
 SCII, OLESNICII, qui affinitatū nexibus illigati, MECZYNIÆ  
 Domus complent Decora, ad quæ propinquius accedit Illustrissi-  
 mus Dominus FRANCISCUS in Zakliczyn IORDAN Castellanus  
 Woynicens, ex CATHARINA de Korożweki MECINSKA  
 Succamerarij Wielunensis Germana Sorore, & Illustrissimi Domini  
 MICHAELIS IORDAN Succamerarij Cracoviensis Consorte  
 genitus, cuius Genius fortunæ, famæque Gentiles Tubas ingerit, ut  
 utriusque, IORDANORUM, & MECINIORUM Domus illustrium  
 facinorum gloriam triumphali buccina decantet.



Explicat Illustrissimus MECZENIORUM Genius in sua ROSARUM Domo, Magna ornamenta, armamenta Decoris perpetui, quas per Affinitates splendidissimas intulerunt POTOCII, ORECHOVII, GOŁUCHOVII, WIELOWIEYSZII, ŁODZINII, DROIOVII, DZIALINII, SZCZAWINII. Magnorum in Republica, Sapientia, Iustitia, Fortitudinis, Prudentia, Numinum perconsueco memorias, non nudas Nominum recapitulationes insinuo. Fecit amplissimum ornamentis accessionem Illustrissima Domus OLSZOWIA, Archiepiscopalibus insulis, & sublimiorum in Patria titulis dignitatum ornatissima, dum Illustrissimus Dominus MARTINUS OLSZOWSKI Capitaneus Wielunensis, Illustrissimi Succamerarij Filiam CATHARINAM de Korożweki MECINSKA in foedera Matrimonialia assumpsit. Subijt Illustrissimos thalamos Genitoris Tui Illustrissime Domine Capitaneae, Illustrissima Heroina TERESSIA de Przytyk PRZYŁĘCKA Castellani Oswiecimensis Filia, quæ Vestra propagine, seu genitura ROSAS edidit. Vos appello ROSAS, Domum Coronantes, qui principem hodie in Illustrissima Vestra ROSARUM Domo locum occupatis, Illustrissime Domine, CASIMIRE IOSEPHE de Korożweki MECZYNSKI Wielunensis, & Radomscensis Capitaneae, cum Germano Tuo Illustrissimo Domino IOANNE de Korożweki MECZYNSKI Vexilifero Wielunensi, duo Lumina Reipublicæ, Domusque ROSARUM Columnina, Parem Vobis sicut Amorem, ita & Honorem testatur Patria, quem eximijs Virtutibus apud omnes Ordines Regni meruistis. In Particularibus Palatinatum, in Generalibus Regni Comitibus, functiones, negotia Patriæ bono feliciter expedita, in Regni Tribunalibus, in quibus Iudices Deputati præsedebatis Iustitiæ momenta, Sapienter ad libram Æquitatis, absque privati affectu, respectuque tractata, illum in Vobis celebrant Honoris DEI Ecclesiæ Boni, Patriæ pacis, Zelum, & candorem, quem à Maioribus, ut legitimi, sicut sanguinis, ita Virtutis successores accepisti, ostendunt, in quo amplissimo, bene de Ecclesia, & Patria merendi campo, nullam prætenditis vanæ famæ, laudisque gloriam, & præmium, tantum meruisse, quod veræ, sanctæque Virtutis est, contenti. Ex similibus paribusque Virtutibus, & meritorum studiis, agnoscit legitimum Domus ROSARUM heredem, & Illustrissimum D. PAULUM de Korożweki MECZYNSKI Colonellum Serenissimi Poloniae Regi IOANNIS III. qui Toga, Sagoque clarus, ea sapientia in senaculis, Fortitudinis in castris exhibet exempla in quibus primus ille Maiorum Vestrorum resplendet Honor, quem Heroicis ubique facinoribus meruerunt. Tam præclara, tam speciosa, & pretiosa circumstipant Honorum ostenta, Illustrissimam Heroinam BARBARAM de Warszyc MECZYNSKA Wielunensem, & Radomscensem Capitaneam, ornare illam, non implere potuerunt, æternorum semper avidam. Profuerunt tamen sancto sanctæ Heroinæ voto, illorum enim pulchritudinem, & amplitudinem perpendens, cogitavit quanto pulchriora, quanto essent feliciora æterna gloriæ cœlestis beatitudinis præferre viderentur imaginem. Si ita gratum pulchrum-



chrumque est inter Illustrissimos, cenferi in via, quanto fortunatiùs  
 excellentioribus frui bonis in Patria. Nihil illi in temporalibus pla-  
 cere potuit bonis, ad æterna genitæ; pro quibus ardua tentare, &  
 subire, aspera perpeti non dedignata, austerioribus pœnitentialibus  
 exercebatur operibus. In patientiæ palæstra, paulò ante discessum  
 e vita, nullum se posse capere solatium, quod corpus reficeret, testa-  
 ta est, sed quod animum patientiæ merito, recrearet, Moderatus, &  
 modestus usus fortunæ, demonstravit illam, nil minùs, quàm tempo-  
 ralia, curasse: ut homo, humanæ conditionis erumnam tolerans,  
 mentem ad patientem Salvatorem suum reflectebat, solita frequen-  
 tissimum illud sicut mente volvere, ita ore proferre: Plura pro me  
 passus Redemptor meus! quod & præsentibus elicuit lacrymas, &  
 arduæ patientiæ reliquit exemplum. Vidisti, Illustrissime Domi-  
 ne Capitaneæ, ita corpore depositam, quod dolebas, compositam  
 æquanimirate ad placitum D E I, quod dolens stupebas: Tentasti  
 remedia subveniendi ne amitteres, quod amabas, respuebat illa,  
 quæ præter Te aut veriùs loquat, ne amantissimæ Tui, affectûs  
 injuriam irrogem, Tecum solum Deum amabat, dedignata decora,  
 quæ sepeliunt funera; soli D E O intenta, animæque salutis. Adie-  
 cisti curas, ex sollicitudines ad obsequium animæ, cum nulla ad  
 corpus, per industriam humanam, & sumptus attentatæ proficerent,  
 & quod iussit maritalis affectus, amanti vivæ, & mortuæ præstitisti.  
 Experitur Amorem in liberalissimis post fata, Eleemosynis, quibus  
 comitaris & hodie, in viam æternitatis abeuntem, comitantur & illi,  
 qui funeralibus assistunt Honoribus, quibus æternum dicit.

## V I V E E T V A L E.

E mortis patria, ad regionem æternæ vitæ discedens,  
 Vos morituros relinquo,

ILLUSTRISSIMI, EXCELLENTISSIMI, REVERENDISSIMI,  
 PERILLUSTRES, ADMODUM REVERENDI, REVERENDI, HONORANDI,

D O M I N I

Cognati, Affines, Amici, Familiares, Domestici, subditi,

Ego

B A R B A R A M E C Z Y N S K A,

Claritudines, Honores, Opes, Titulos, Favores, exuens,

Quod humana fert conditio, Cinerem, & putredinem,

tineam uermen induens,

Nec Urbana, Humanaque esse negligens,

Omnibus, & singulis,

Maximis, Æqualibus, Medioxumis, Infimis,

SUPREMUM V A L E relinquo.

Nec amplius superat Vobis tribuendum,

Cum una Mors,

E 2

Omnes



Omnes Celsitudines in pulverem detraxit  
 Omnes Claritudines umbris involuit,  
 Omnes splendores extinxit,  
 Omnes pulchritudines turpavit;  
 Genus, Formam, Divitias, Delicias, Dignitates, Honores,  
 Quod à Natura, & Fortuna habere potui,  
 Iure suo, non invitæ, abstulit,  
 Et e terra natam, terræ nudam restituit.  
 Accepit omnia, me non decepit,  
 Quæ  
 In mundi vanitate, querens Veritatem,  
 Hoc quod vilius alijs in mundo visum,  
 Pretiosius æstimans,  
 Virtutem, Meritum, & recte facti conscientiam, inveni;  
 Cetera humana omnia, & temporalia,  
 Cum instabilia, fucata, lubrica, & ludicra fuerint,  
 Odi, pessumdedi, contempsi, neglexi,  
 Solus, & vnus, quod æternum erat, ne perderem, curam gerens.  
 Animam DEO, DEUM Animæ.  
 Hic solus vitæ cursûs Terminus fuit,  
 Sicut corporis sacophagus;  
 Ideo per Virtutum Olympia,  
 Ad Olympum Exemplis præcepisti contendere,  
 ILLUSTRISIME & AMANTISIME GENITOR,  
 Mortem ego non timui, quod peccatorum est,  
 Quia me DEO, & Virtuti vivere docuisti, quod Sanctorum,  
 Velox nimis cum Illustrissimis Cognationum  
 & Affinitatum splendoribus,  
 Lampadophora, vitæ metam attingi,  
 Non offendi;  
 Nec enim ambulare in tenebris didici,  
 Cui Illustrissima Virtutum Tuarum exempla præfulsissent.  
 Ad Lucis regionem evocata,  
 Umbris funeralis Vrnæ corpus credidi,  
 Dum ultima Iudicij supremi dies illuxerit, servandum,  
 Charissimo Coniugi, Filijs, ac Filiabus,  
 Tradidi Lampada:  
 Qui hoc impendent Tibi, quod debebam Filia,  
 Honorem, & Amorem, Cultum, & solatium.  
 Cum potiore meæ parte DEO, & cum DEO, vivere cœperim  
 Tibi in illis vivo, quorum unum cor est, & una anima,  
 Ne, quid ex me Tibi debiti solatij abscesserit,  
 Quod DEUS, & Natura, Genitori præcepittribuendum.  
 Tua esse non desij Filia, Amantissime Pater,  
 Nec Tu Patrem me amantem exuisti,  
 Dum qui mihi vitam, Genitor meus, dedisti temporalem,

Ut u-



Ut utrinque mutuae pietatis non cessarent officia,  
Liberalia per suffragia, Adiutor, & promotor, factus es ad æternam.

Vive diutissime, DEO, Ecclesiae, Patriae, Familiae,

In hoc arumnosæ mortalitatis exilio,

Mecum æternum DEO,

In felicitatis Patria, victurus.

Vivite & Vos,

Illustrissimi, & Amantissimi Fratres,

STANISLAE, & GEORGI,

Eiusdem mecum & sanguinis, & Paterni Amoris consortes,

Virtutibus lucentes, & dignitatum splendoribus;

Bene gestis implete Fastos, Domum meritis:

Ut quos temporalibus Patria decoravit,

Æternis Cælum Honoribus exornet,

Et propitij Sororis Vestræ Manibus,

Estote in suffragijs fideles Patroni,

Sicut Fratres mei Dilectissimi semper extitistis.

Vive Coniux Amantissime!

Cuius socialis amor, trans vitæ limites se efferens,

Æternus esse non desinit.

Sepivisti ROSIS Tuis Gentilitium & Connubilialem

Annulum, sed sine spinis.

Quia Dulcis Tuus semper erga me, & fidelis

Amor, & Honor, Obsequium, & Candor,

Affabilitas & Benevolentia,

Blandimenta fuerunt intendendi affectus,

Quæ violandi instrumenta non admiserunt.

Placidissimi Tui erga me mores, & Amores

Serena semper, nunquam severa frons, & oculi,

Animum meum in jugi tranquillitate continens

Mutuum pacem, & concordiam firmavit, roboravit affectum;

Indeque Annulus, Fidelitatis, & Amoris tessera,

Qui manum meam ornavit,

Coronavit Cor, signavit animum,

Et post fata amatorem.

Hinc

Morituris Annulos detrahere solita Atropos,

Non resolvet hanc Cordis, & Animi Coronam,

Qua Tibi Cor, & Animum Amantissimo Coniugi æternum obligavi.

Vivite amantissimæ Soboles, Pars Patris,

Meum aliquando Delicium, & Solatium,

Et in charissimo Genitore Matrem amate,

Ætatem, non annis, sed virtutibus, & meritis, compute,

Crescite in Amore, & Timore DEI,

Ut DEI benedictionibus impleamini,



Vivite omnes cognationum, Affinitatum, Familiaritatum vinculi  
coniunctissimi

Immortalitati, in vita mortali:

Pro Amore, & Honore, Benevolentia, & Amicitia,  
Officio, & Obsequio

Qui Vobis debitam gratitudinem exhibeat,  
Vadem habeo D E U M,

Rependet ille, quidquid mihi impendistis  
Qui solus, vna, & vera, & mea, & Vestra  
Copiosa merces est;

VIVITE, & VALETE!

Et mementote,

Quod Vos aeternitatem ingressi,

NON DESERO, SED EXPECTO.

BIBLIOTH. UNIV.



JAGIELLONICAE





nculi

